

西北史地文獻
第三卷

中國西北文獻叢書
· 二編



中國西北文獻叢書二編·第二輯

西北史地文獻

第三卷

本輯主編：

苗普生

副主編：

劉國防

陳霞

趙國慶

本卷目錄

葉爾羌守城紀畧〔清〕壁昌撰	一
烏魯木齊守城紀畧〔清〕長庚撰	一九
新疆條例說畧〔清〕吳翼先輯	三三
勘定新疆記〔清〕魏光燾撰	一八三
中俄界約勘註〔清〕錢恂撰	二六七

【清】壁 昌撰

葉爾羌守城紀畧

清道光十年（一八三〇年），和卓後裔玉素甫勾結浩罕等叛亂，侵擾西四城，并佔領喀什噶爾（今喀什）、英吉沙爾（今英吉沙）等地，進而攻擊葉爾羌（今莎車）。時壁昌任葉爾羌辦事大臣，遂率軍民奮起抗擊，堅持八十餘日，直到清軍到達圍解。道光二十八年（一八四八年）壁昌在離任福州將軍之際，追憶葉爾羌軍民守城經過，撰成是書。有道光二十八年刻本（與《守邊輯要》合刊）、一九八二年中央民族學院圖書館油印本。

葉爾羌守城紀畧序

公以千餘瓜戍之兵當數萬日滋之賊勢窮援絕從何措手乃出奇制勝屢挫賊鋒卒使強
鞏邊烽銷息得力處全在收回眾之心使向之附賊者轉為我用官兵民回聯為一體固已
殲賊魄而奪其氣矣所謂高手圍碁第一著也至於以少勝多固由於膽與識而其根本則
激發於忠憤之一心耿恭之守疏勒千古傳為美談以公方之曾何愧焉公以世臣起家縣令
中州畿輔過植甘棠至今兩地之民口碑歷歷乃一旦受寄干城而勒畧之奇偉如是循吏與
名將合傳求之前古政復代不數人至其所修喀什噶爾城皆即省公項為之未費國帑分文
崇墉屹立堅如統萬道光丁未賊匪入卡圍攻守者怯懦不敢出戰解之後被逮問擬然坐困
數月賊匪數數來攻而孤城幸保無恙則由城高池深守者束手而攻者亦束手竟無如之何
也昔董安于繕治晉陽而卒潞襄子之厄仁人保障之功往往在數十百年之後世之苟且目
前而視一官如傳舍者聞公之風亦可以少愧矣道光戊申九月愚姪徐繼畲拜識

葉爾羌守城紀畧序

蓋有治人方有治法有實心乃有實政自古名將運籌決勝創業守成未有不相時而動因也制宜以固人心而保疆土者也我朝幅員宏濶數萬餘里亘古以來皆莫能及雖四夷各自輸誠而種類既殊良莠不一烏得以邊陲真安而少弛有備無患之道哉況西疆平定以後屢叛屢服蓋夷種知法不知思故也壁星泉先生奉命三次參_詳西陲知夷情反覆審機度勢為守邊十法齡秀峰先生奉命辦事西陲洞悉夷隱制為安邊四要殆所謂運用之妙存於一心者乎宛平張鳳岐茂才與先生交最久知最深恐其良法無以傳後今特付梓非徒存兩先生之鴻規亦欲使億萬世知制治保邦撫馭邊陲之要道也十于高守貴杏梁謹序

葉爾羌守城紀畧

序

葉爾羌守城紀畧

清 壁昌 星泉 撰

道光六年，逆回張格爾入寇，佔據四城，經揚威將軍長齡、懋亭公相克復，生擒獻俘，直隸總督那
經堂先生往辦善後，奉旨大名府知府壁昌交那某帶回疆差遣委用。八年善後事竣，即留為
葉爾羌辦事大臣。十年八月，逆兄玉素普糾約浩罕眾數萬，又犯邊卡，遂圍喀什噶爾。英吉沙
爾二城領隊塔豐阿副將賴永貴出戰，輕敵死之。扎拉沙爾致亭贊攔城固守，賊未得志，將回。庄子
女牲高虜掠一空，率眾數萬由樹窩子捷徑直薄葉爾羌。是時修守雖已齊備，惟慮回性怯懦，
或致搖動，因召阿奇木伯克郡王阿布都爾滿暨阿運等諭曰：「賊又將至，汝等不從賊，賊殺從
賊，官兵殺均是死耳。」眾皆驚泣伏地，諭以汝等當死中求生，如有賊來約會，告以此時官兵利
害不敢隨，可自閉回城看我殺賊，但有一回出城，眾先殺之。眾回感泣聽命，又諭阿運等：「聖人
漢經無故不可殺人，大皇帝王法無故不准殺人，汝回經亦如此教訓，要知若為賊害人殺之，

無罪汝等為回教師長照此傳知回眾共守回城宣諭而去時存城防兵僅一千二百名將練就備戰奮勇隊四百名於十字街扎隊聽候調遣其餘八百名連字識匠役分布上城防守其北門乃賊來路形勢最險余自據之將南北門浮閉留東門不關門洞設砲不准折橋自絕出路探馬分三疊出探均聽城上掌號一齊按汛地上城存營砲位止二十餘尊分設四城其奮勇隊候何門起鼓排隊由何門出城迎敵布置已定次日巳刻探馬報有賊數萬從東北而來已過十里亮噶爾自上北門樓傳令掌號各官兵一齊上城令眾兵不准空放一槍靜以待之此時天日慘淡沙塵四起而新換防兵雖經操練多有未見陣者不免色懼余躍登城堞之上笑謂眾官兵曰丈夫當此正立功之時有城護身以逸待勞有何懼哉眾皆挺身直前氣為之壯究因彼眾我寡不便發兵出城迎敵且於城上對賊架用劈山砲俟賊搶子及城發砲轟之死者甚眾亂竄城南毀附郭市房余由城上亦跟蹤而南時商民盡避入城聞賊毀其室憤欲出鬪度民心可用乃開南門先出站據橋上約眾民且勿揚聲俟我開號眾共擊之民心益壯

各持槍刃左右分出過橋直撲迎殺呼聲振天斬馘滿地無不一以當百賊眾披靡皆奔入回
 城因思回眾前已受約今復放入回件不足信也遂收進商民登城望見賊眾馬步向北紛紛
 亂竄不解何故少間回城來報回子男婦皆出擊打死之外生擒三百餘名以獻尚恐是計令
 在城邊正法回子一齊動手即止令留活口訊供開門放入大加獎撫並諭曰汝等今已與賊
 為仇如其再來斷不可容賊進城回心愈益堅固發帑銀四千兩交阿澤分賞有功者其商民
 回子中尤為奮勇者均奏保藍翎於是官兵等深悔未隨出城打仗得賞盼賊再來從此官兵
 民回聯為一體爭先出力賊眾百里之外不克遠追者兵少故也近城無賊回民照常交易越
 十餘日回探復報賊分兩路一由八十里亮噶爾自西而來一由五十里舒克舒庄自東而來
 先是賊來攻城大小伯克率皆躲避知民回得勝羞愧無地正欲參辦該伯克稟求情愿分帶
 回兵往兩路迎敵令於要害埋伏以贖前愆竟於東西兩路又打退賊匪亦為奏獎加賞翎頂
 余仰蒙上頒白玉班指烟壺荷包並從優議敘所有伯克等始各獻策以回城較大西面有漢

城官兵庇護其東南北三面太空請開城北五里亮噶爾河渠其水南注回城週圍皆成草湖以省回力並求撥官兵分回城內防守因思回子胆小却是真心欲守本城回子不亂易於攘外即派漢回千總張滿貴帶兵二百名抬砲四桿分於回城上四面防守令將號帽挂於城堞以白布手巾纏頭打砲賊若來攻見官兵站牆回子打砲以斷其勾結之弊是時北至阿克蘇十八站軍台向係朵蘭回子當差乃張逆之世僕種類同時變亂截斷台路惟迤南和闐台路無賊遂派滿筆帖式帶領回子馬匹鍋帳由草地暗設台站以通文報知命伊犁參贊容靜止統滿漢官兵七千進勦當將倉麥發交回城磨麵以備大兵進援不數日麵袋堆疊如山恐容參贊不知此地有糧接濟進兵稍遲必須有人前去面稟情形以速援兵即懸賞藍翎一枝銀五百兩有能穿賊路前往者與之共滿漢官無一應者惟舊戴崇義憤急挺身愿往祈將馬馬渾名飛過海者賜騎裹帶乾餅單騎穿賊營馳兩晝夜行十八站直達阿克蘇時容參贊因糧運未齊留阿克蘇不進該僕面述葉城有糧台路賊少可以速進蓋阿城欲留大兵以自衛因

盡稱賊勢之強糧運必須多備此人之言未可盡信容參贊猶豫不決該僕知進兵無期遂率
 騎復回葉城願同生死聞城人人感憤誓共殺賊因乘此時挑出奮勇兵二百名大隊兵二百
 名民勇二百名回兵一千名令回兵頭纏紅布為號恐為誤殺每日起鼓出隊繞城五里之外
 無賊鳴金收軍仍扎十字街候發令各歸本牆兵房如此操練路徑人人熟習養精蓄銳以待
 賊來均盼打仗得載翎頂每收兵後登城望氣何方雲氣直冲賊在何方發探果然如雲氣斜
 冲交叉次日必見賊接仗每每應驗忽一日探報賊復聚數萬自北而來攻回城即掌號出隊
 親督官兵於五里亮噶爾隔河布陣以待賊至北岸見回城週圍俱水遊奕不進對峙而止賊
 賊槍中傷守備黃泰左腿我砲擊折北岸柳樹賊眾驚亂副將任貴邦乘勢躍馬當先余即開
 號督兵民一齊過河勦殺賊眾大潰無一敢回頭者兵民趕及殺傷遍野伯克等帶回兵馬隊
 追殺二十里而回是日天氣晴朗風威日烈官兵歡舞收軍取賊耳記穿挂照牆長丈許連夜
 具摺奏獎請賞任貴邦巴圖魯名號其守備黃泰王璦請花翎千把以下民兵實在奮勇帶傷

者請藍翎伯克回子分別加賞翎頂不下百餘枝均蒙惠准越數日喀城賊酋知葉爾羌連次打敗其眾傾隊而來於西南回庄扎營夜間火光燭天其勢張甚並不來攻意在久住迭攻以眾為勝也余登城謂官兵曰此次賊來先不來打仗在回庄扎營是以逸攻勞以眾破寡之計若容其扎住我等日夜費力前功盡棄今與汝等約於五更暗開城門對賊營放連環槍砲一齊喊殺彼有火光在明處我兵却在暗地他知兵有多少必亂竄而逃隨後追殺其營食物均棄於此且不能再聚而來也余在城樓少息待至黎明兵無動靜向外看賊營鴉雀無聲均睦熟急傳任貴邦帶兵出城伊云不曰大兵即至何必送兵於死余聞皆裂叱之曰汝乃蠢夫不知張睢陽故事我不株待援兵何日方來汝慢我軍心不用爾等速一人下城開門而出見市房碍眼令折毀自向賊營而走城上官兵見余在城外齊喊叫快均出城大人已出城矣兵民一齊而出任邦貴與阿奇木阿布都爾滿趕來跪求入城余曰既出來不能空回必由此路攻賊是時兵民已撲進賊營攻其不防大亂而逃殺騎馬紅衣賊酋一名奪獲鞍馬一匹均怨任

貴邦不早出城，從中撓阻，獲器械食物不少，賊又遁去。不如此兵心慢矣。我兵連次接仗，帶傷者有僅陣亡者六名，相持已八十餘日，精力漸疲，勢甚危急。會上以容衆賢怯懦，召還復以長公相爲揚威將軍，代將其兵出關西來，先撤令務參贊楊哈二通侯率固原提督胡超、烏魯木齊提督哈達阿帶關內外滿漢官兵二萬，刻日進剿。賊聞大兵將至，馱載所攜駝馬子牛馬，仍竄出卡。因參贊辦理不善，致起邊衅，復誤殺良回三百餘名，有旨逮問交長公相提阿克蘇審訊。尋奉旨壁昌授爲喀什噶爾參贊大臣，會同楊威將軍長齡、伊犁將軍玉麟共議善後事宜。令先赴該城任事，當即馳往。見回城被賊蹂躪一空，漢城攻損不堪，慘自傷心。兵民因誤殺回子參贊，獲罪人心惶惶，各懷疑懼。因撫之曰：爾等守城辛苦，與我一樣，爾脫重圍未經奏獎，俟查明有功者，一律加獎。兵則各守營規，聽吾號令，民則往內地販貨，大兵在此運來謀利。至誤殺回子，原爲剔奸於爾等，無非人心始定，均各解散，即奏保進援。副將周悅勝爲喀什噶爾總兵，令其整理營伍，督修城池，自擬城高三丈，池深寬五丈，以抄出叛糧爲費，未用帑項一